

Pojedini brojevi: 10 helera. Mjesečna pretplata: 10 helera.

Uredništvo: BEOGRAD, Vuka Karadžića ul. broj 10. Telefon broj 83.

## RATNI IZVJEŠTAJI

### Izvještaj austro-ugarskog glavnog stožera

Kb. Beč, 20. januara. Nema osobitih događaja. Načelnik glavnog stožera.

### Izvještaj njemačkog vojnog vodjstva

Kb. Berlin, 20. januara.

**Zapadno bojište:** S mora pucao je neprijatelj na Ostende. Do kasno u noć trajale su žive topničke borbe u zavijutku sjevero-istočno od Yperna. Uz obe strane Lysa, na kanalu La Bassee kao i između Lensa i St. Quentin...  
**Istočno bojište:** Ništa novoga. Na maćedonskom bojištu i na talijanskom frontu položaj je nepromijenjen.

Prvi zapovjednik glavnog stana pl. Ludendorff.

## Pregovori za mir

### Pregovori sa Ukrajinom

Kb. Brest-Litovsk, 20. januara. Austro-ugarska, njemačka i ukrajinska delegacija zaključila je, da poslije završenja dosada vodjenih pregovora objavljuje sljedeće saopštenje: Dosadašnji pregovori, koji su vodjeni sa jedne strane sa predstavnicima središnjih vlasti, a s druge strane sa zastupnicima ukrajinske republike, urodili su opravdanom nadom, da će se postići sporazumni temelji, na kojim će se moći sagraditi mir. Utvrđujući pojedine tačke mirovnog ugovora, došlo se do stepena, koji nalaže obim stranama, da se posavjetuju sa svojim domovinskim vlastima i zatraže njihovo odobrenje i pristanak. Obe delegacije su mišljenja, da se to mora sprovesti u najkraće vrijeme, pa je postignut obostrani sporazum, da se poslije odmah povrate u Brest-Litovsk. Zastupnici Ukrajine otputovali su u Kijev; državni tajnik Kühmann u Berlin, ali još nije sigurno hoće li grof Czernin putovati u Beč, jer je bolestan.

### Njemačko-ruski pregovori

Kb. Brest-Litovsk, 20. januara. Tečajem cijeloga dana vodjeni su pregovori o trgovinskim i pravnim pitanjima između njemačke i ruske komisije.

### Privremeni pregovori

Kb. Brest-Litovsk, 20. januara. Njemačko-austro-ugarsko-ruska i njemačko-austro-ugarsko-ukrajinska privremena komisija održale su duže dogovore sa povoljnim rezultatom. Rasprave austro-ugarskih, njemačkih i ukrajinskih delegacija nastavljene su prije i poslije podne.

### „Norddeutsche Allgemeine Zeitung“ o pregovorima

Berlin, 20. januara. O držanju pregovoračkih stranaka u Brest-Litovsku piše „Nordd. All. Zeitung“: Rusi su bili oni, koji su zaraćene narode pozvali, da sporazumnim mirom okončaju rat. Sad imamo pred sobom sliku, da se državni četvornog sporazuma časno i usrdno trude, da se do tog mira dodje, do okončenja rata bez aneksija, bez oštećenja, priznavanjem samoodređenja za zemlje, koje su vojnici središnjih vlasti osvojili. Rusi međutim, koji su to polje rada pripremili, uestežu se da ga obrade, šta više oni rade sa svim protiv sporazumnog mira, jer oni hoće da iznuđe mir sile, istina ne mir sile, koji bi se zadobio silom mača, jer im je mač takav mir uskratio, ali mir sile, koji bi se na sili nove neoprobane teorije osnivao. Kad mi nastojavamo da se pregovori ubrzaju i da Ruse uvjerimo, da misao sporazumnog mira ne može biti, da jači slabijem izlazi preko dozvoljenih granica u susret, onda će se i u Rusiji razumjeti naše shvaćanje. Ukrajinci su svojim radom poslužili ostalima kao dobar primjer.

# Raspuštena ruska ustavotvorna skupština. Uapšen rumunjski kralj Ferdinand. Burna sjednica francuske komore.

## Trockov put u Petrograd.

(Naročiti brzojav „Beogradske Novine“.) Berlin, 20. januara. O Trockovom putu u Petrograd primjećuje „Berliner Tageblatt“ da bi bilo pogrešno misliti, da je on protkan zadnjim mislima u svrhu, da se pregovori osujete. Medjutim je moguće, da se u osustvu Trockoga ne može ništa raditi u političkim pitanjima, dakle u glavnim pitanjima, te će se sad moći savjetovati samo o pravnim privrednim pitanjima.

## Poslanik Breiter i Trocki

(Naročiti brzojav „Beogradske Novine“.) Beč, 20. januara. Nedavno se povratio iz Rusije poslanik na austrijskom carevinskom vijeću Breiter i pripovijeda, da je u Petrogradu razgovarao sa Trockim. Ovaj je rekao: „Dobro poznajem Beč i Austriju. Kada dođete kući, nastojte uvjeriti austrijske narode, da ispravno shvate naš postupak. Mi želimo iskreno mir. Prilikom u Rusiji tako su haotične, da mi pod svaki uvjet moramo sklopiti mir.“

## Izjave poslanika Orlovskog

Boljševici moraju sklopiti mir.

(Naročiti brzojav „Beogradske Novine“.) Amsterdam, 20. januara.

Ruski dopisnik „Nieuwe Courant“-a razgovarao se u Stockholmu s boljševičkim poslanikom Orlovskim. Ovaj mu je izjavio, da je očekivao teškoće u Brest-Litovsku. Orlovski se izrazio vrlo optimistički o daljem toku pregovora, pa je skoro bio uvjeren, da pregovori moraju uspjeti. Dopisnik „Nieuwe Courant“-a, koji je Rus, dodaje u svome brzojavu, da boljševici nemaju drugog izbora, nego da zaključie praktičan mir. Izjave Trockoga i Kaledjina o svatom ratu nijesu ništa drugo nego obične prijetnje. Vojska je potpuno desorganizovana. Sveti rat ne znači ništa drugo, nego prazna riječ. Vodje boljševika vrlo dobro znaju, šta mogu očekivati od razdraženog naroda, ako muse nastupne data obećanja o miru.

## Ruski vojnici ne će rat

(Naročiti brzojav „Beogradske Novine“.) Bern, 20. januara. Po jednoj vijesti „Liberte“ Le- njin je upravo pitao ruskim vojnicima, da li bi oni dalje ratovali, ako središnje vlasti odbiju ruske uslove o miru. Voinici su odgovorili, da bi pretpostavili da Nijemci anektiraju istočne provincije nego li da produže rat.

## Idilični istočni front

Na 200 kilometara nema nijednog ruskog vojnika. Topovi ostavljeni na položajima bez postroja.

(Naročiti brzojav „Beogradske Novine“.) Berlin, 20. januara.

Po pouzdanim vijestima berlinskih listova nemože više opšte biti govora o nekom zatvorenom ruskom frontu. Dezertiranja pojedinih vojski i odlazanje čitavih odjeljenja doveli su do posljedice, da austrijski i njemački vojnici na nekim mjestima nemaju pred sobom neprijatelja u dužini do 200 km. K njemačkim četama dolaze čitave gomile prebjeglica, naročito ruskih vojnika poljske narodnosti. Oficirski zbor je djelomice smijenjen, a djelomice zbog zlostavljanja momčadi pobjegao. Discipline jedva ako nešto ima. Materijal je ekspedovan još otprilike nekoliko nedjelja. Topovi, naročito oni teškog kalibra, ostali su mnogi u položajima, a da niko o tome ne vodi brigu. Transport municije prestao je skoro sasvim. Okolnosti na jugo-istočnom frontu, kuda se sve više šalju čete ukrajinske narodnosti, nijesu još sasvim loše. Na svaki način može se smatrati da su ponovna neprijateljstva potpuno isključena. Samo rumunjska odjeljenja ostala su u svom neprijateljskom držanju, i ako primirje nije nigdje povrijeđeno.

## Događaji u Rusiji

### Otvaranje ustavotvorne skupštine. Demonstracije — i mrtvi.

Kb. Amsterdam, 20. januara. Reuterov ured javlja iz Petrograda: Ustavotvorna skupština otvorena je u 4 sata poslije podne po predsjedniku središnjeg odbora svih sovjeta. Četiri sata prije sastanka skupštine, navalali su boljševici na demonstrante, koji su se bili skupili da brane i čuvaju konstituante i poskladaše sve zastave. Na zapovijest otvorila je jedna mašinska puška vatru, uslijed čega su ubijene četiri osobe među njima i član seljačkoga vijeća Boganov. Poapšeno je mnogo žica.

### Ustavotvorna skupština raspuštena. Mornari rastjerali skupštinare

Kb. Petrograd, 20. januara. Pošto ustavotvorna skupština nije odobrila način, kako sovjeti vodi mirovne pregovore, udaljili su se iz dvorane boljševički poslanici. U 4 sata ujutro došli su mornari, koji su skupštinu raspustili i rastjerali poslanike.

### Radnici, seljaci i vojnici — da se raspusti skupština.

Kb. Petrograd, 20. januara. Središnji odbor savjeta radnika, seljaka i vojnika držao je danas izvrednu sjednicu, u kojoj je zaključeno, da se zakonodavna skupština raspusti.

### Pred novom burm u Petrogradu?

Kb. Amsterdam, 20. januara. „Daily News“ javlja iz Petrograda: Pripreme boljševičkih protivnika za izjave traju dalje. Boljševici opominju stanovništvo, da ostanu kod svoje kuće, i da se ne upotrijebliti za oruđe takozvanih socijalističkih stranaka, koje sutakodje oruđe privilegijanih klasa. Pronosi se vijest, da su se Savinkov i Fionlenko, koji su do sada bili kod Kaledjina vratili u Petrograd. U cijeloj varoši vlada naročita napetost, koja je primjećena i prije predjašnjih nemira.

### Nemiri u Petrogradu — zbog nestašice u životnim namirnicama

Kb. Amsterdam, 20. januara. Po „Telegraphu“ doznaju „Times“ iz Petrograda, da je nestašica opskrbe u gorivu i životnim namirnicama izazvala nemire. Carnizon je nesložan i narod, komesari ne mogu mu vjerovati, kao prije mjesec dana. Po „Ruskom Slovu“ zaprijetili su boljševici ubijstvom svako me u sreću Kozlovskom, ko ne bude glasovao za boljševičkog kandidata u konstituante.

### Žaljenje ruskih socijalističkih vodja.

Kb. Stockholm, 20. januara. „Sozialdemokraten“ objavljuje protest nekolicine uapšenih socijalističkih vodja, koji su zbog opasnosti protiv revolucije zatvoreni u Petropavlovskoj tvrđavi. Oni se žale, da ih niko ne preslušava, da se s njima u tamnici zlo postupa, pa su se dogodili slučajevi, da su ih stražari tukli kundacima.

### Ruska vojska traži prolaz kroz Jaš.

Kb. Petrograd, 20. januara. Revolucionarni odbor ruske vojske uputio je rumunjskim četama dvostrani ultimatum, u kome traži slobodan prolaz ruskih četa kroz Jaš.

### Odnosi između Rusije i Ukrajine. Rat?

Kb. Stockholm, 20. januara. Ovdvašnji ukrajinski dopisni ured saopštjuje, da je ukrajinski vojni sekretar Beticlura primio vijest, da je vrhovni ruski zapovjednik Kriljenko izjavio: „Došlo je vrijeme, kada možemo povući s fronta cijelu vojsku. Sad može Beticlura da dodje!“

### Potvrđuje se vijest o uapšenju rumunjskog kralja

Kb. Petrograd, 20. januara. Reuter javlja: Jedne novine donose, da se potvrđuje vijest o naredbi narodnih komesara, da se rumunjski kralj uapši.

### Osudjen Puriškijevič

Kb. Petrograd, 20. januara. Prijasni ministar Puriškijevič osudjen je 4 godine zatvora. Ako na kraju godine izjavi, da ne će ništa preduzimati protiv boljševika, biće mu oprošten ostatak kazna.

### Engleska ne priznaje boljševičku vladu

Balfourova izjava. Kb. London, 20. januara. Reuter. — Na nekoliko pitanja o diplomatskim odnosima Engleske prema petrogradskoj vladi Balfour je u donjem domu izjavio: Mitu vladu nijesmo priznali kao postojeću vladu ruskog naroda de facto i de jure. Ali potrebne poslove vodimo mi nezvaničnim načinom preko jednog agenta, koji radi po mišljenju našog poslanika u Petrogradu. Boljševička vlada je za svog zastupnika u Londonu imenovala Litvinova. Mi namjeravamo da s njime dođemo u odnos na sličan nezvaničan način. Nebokov, koji je za vrijeme posljednje ruske republikanske vlade bio u Londonu otpravnik poslova, vjerovatno će ostati u Londonu, dok ili ne bude utvrđen ili smijenjen. Sadašnje se stanje očevidno koliko nepravično toliko i prolazno, pod takvim se okolnostima ne može ulaziti u običan diplomatski rad. To je po našem mišljenju najbolje, što se činiti može, da bi se zadovoljile neposredne trenutne potrebe.

### Japanska ratna ladja u Vladivostoku

Kb. Tokio, 20. januara. Reuter javlja: Prema izvještaju ratnog ministarstva otplovala je jedna ratna ladja u Vladivostok.

## Borbe na zapadu

Novi engleski načelnik glavnog stožera. Kb. London, 20. januara.

„Times“ javljaju, da je general Haig imenovao divizionog generala Sir Herbertha Lawrenca načelnikom glavnog stožera.

### Burna sjednica francuske komore

Govornici sa revolverima. Kb. Bern, 20. januara.

U jučerašnjoj sjednici komore došlo je do žestokih sukoba između nacionalista i socijalista. Poslije izjave Longueta uzeo je riječ Pugliesi Conti; zbog njegovih neparlamentarnih izjava pozvao ga je predsjednik Deschancel na red. Pošto nije pazio na opomenu, oduzeo mu je predsjednik riječ po opštem pristanku, i naredio, da se tribine raščiste. Kad je silazio sa govorničke tribine, napadnut je Pugliesi od socijaliste Mayerasa i ostalih poslanika. Došlo je do gužve, u kojoj je Pugliesi izvukao revolver. Kad je Pugliesi, koga su jedva umirili, opet stavio revolver u džep, zaključana su vrata dvorane, i sjednica je nastavljena poslije prekida od tri četvrti sata.

### Odloženo sudjenje Jauresovom ubici

(Naročiti brzojav „Beogradske Novine“.) Bern, 20. januara.

Sudjenje ubici Jauresa Raoulu Villainu je ponovo odloženo za iduće zasjedanje porotnog suda. Da bi se očuvao način, Villain će ponovo biti upućen u bolnicu, da se ispita njegovo duševno stanje.

### Zatvorene poslastičarnice u Francuskoj

80.000 osoba bez zarade. (Naročiti brzojav „Beogradske Novine“.) Bern, 20. januara

„Figaro“ izvještava, da je zbog zatvaranja poslastičarnica u Francuskoj 80.000 osoba ostalo bez posla, te nameće državi odštetu od 160 milijuna franaka.

## Engleska

### Asquithov izborni govor

(Naročiti brzojav „Beogradske Novine“.) Rotterdam, 20. januara. List „Evening Standard“ donosi izvještaj o govoru Asquitha u liberalnoj izbornoj skupštini. Asquith je rekao: Liberali moraju pozdraviti naredbu narodnih komesara, i prihvatiti stranačka načela kao što su

izborne reforme, reforme nastave, i ako sa izvjesnim ograničenjem, reformu slobodne trgovine. Bolje privredno obrazovanje, bolja organizacija i bolji saobraćaj više će koristiti engleskoj industriji, nego li sistem, koji bi mogao biti potreban samo za neke važne industrije.

### Karte za namirnice u Londonu.

Kb. Bern, 20. januara. U Londonu će se uskoro izdati karte za namirnice, prije svega za maslo i margarin. Karte koje 5. februara stupaju na snagu su tako udešene, da se po njima mogu dobiti i tri druge vrste namirnica. Nestaćica mesa, koja je nedavno vladala u cijeloj Engleskoj, do sad je kako izgleda samo privremeno otklonjena. Odrédiće se jedan bezmesni dan u sedmici.

## Amerika u ratu

### Ograničenje zbog industrijskog rada

Kb. Washington, 20. januara. Reuter javlja: Naredba o ograničenju industrijskog rada zbog oskudice u gorivu, formalno je potvrđena i stupa na snagu u ponoć, od 17. na 18. januara.

### I Amerika jede na — kupone

(Naročiti brzojav „Beogradske Novine“.) Rotterdam, 20. januara.

„Times“ javlja iz New-Yorka: Vlada je podnijela parlamentu zakonske prijedloge, kojim se predsjednik ovlaštuje, da preduzme mjere o zabranjivanju, potrošnje, proizvodnja i podijele životnih namirnica. Ti se zakoni tiču naročito gostionica, restoracija i prodavnica jela. Oni ovlašćuju ured životnih namirnica, da utvrdi obroke, koji će se prodavati. Koji se ograniše o te zakone kazniće se novčano sa 5000 dolara ili zatvorom od 6 godina.

## Podmornički rat

### Nova potapljanja

Kb. Berlin, 20. januara. Wolffov ured javlja: Jedna od naših podmornica, pomorski kapetan Tiekemann, nedavno je uništila 8 naoružanih parnih brodova, 32.000 bruto tona zapremine. Većina brodova je uništena u Irskom moru, dijelom pojedinačno, a dijelom u osiguranom sprovodu. Među njima se nalazio jedan veliki parni brod od 12.000 tona tpa „Afrique“ Whit Star Line.

Načelnik admiralskog stožera mornarice.

## Najnovije brz. vijesti

### Protiv francuskog konzula u Saragossi

Molba parlamenta da se konzul protjera.

(Naročiti brzojav „Beogradske Novine“.) Bern, 20. januara.

Španski listovi donose brzojav konservativnih članova parlamenta upućenog predsjedniku Villanevi, u kome odlučno protestuju protivu rada francuskog konzula u Saragossi i zahtijevaju, da se on protjera, jer je konzul prilikom izbora tamošnjeg gradonačelnika radio protiv izbora konzervativnog gradonačelnika i prijetio, da će tri konservativna opštinska zastupnika uvesti u crnu listu, ako bi oni učestvovali u izboru. Štampa je jako ogorčena i zahtijeva od vlade da preduzme enerγιčne mjere.



**U zrcalu vidi svaka lijepa dama** koliko je ljepša, ako upotrebljava **Diana Alabaster puder i Creme.** Mala doza ili lončić K 2.— Velika doza K 4.— Može se posvuda dobiti. Glavno prodavalište: **„Diana“ Handels A. G., Budapest, V.** Nador utca 6.



CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetara, retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik Jednostavna riječ 7 helera, sa masnim slovima 14 helera.

MALI OGLASI:
PRIMAJU SE: KNEZ MIHAJLOVA UL. 38

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetara, retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik Jednostavna riječ 7 helera, sa masnim slovima 14 helera.



ZUBNI-ATELJE
J. SIDVERCA
DIPLOMIRANI DENTIST
Beograd, Kralj Milana ul. 57.

ZUBNI LIJKAR
KRISTINA ORLUŠIĆ
Beograd, Terazije br. 9.
I. sprat.
Ord. od 8-12 prije podne.
i od 2-6 poslije podne.

Kupovine i prodaje.
Prodaja rakovačkih drva
„Kiosk“ Slavija, pocela je po-
nova da prima poručbine za
isporuku rakovačkih drva.

na prodaju
Jedan veliki Pirotski ćilim vrlo
dobro očuvan. Može se videti
od 9-12 prije podne. Zeleni
Venac 9 parter. 34770-2

Dva dugaćka zimna
kaputa
na prodaju; jedan nov, a drugi
polovan, oba muška. Mogu se
videti od 9-11 sata svako do
po podne Šiška 58. 34773-2

Zenske cipele
plittke i duboke, odlične, pred-
ratni materijal, br. 34-38. Po-
vojne cijene. Na par i na
više. Radnja Kralja Aleksandra
ulica 10. 34315-2

Jača i butera
manje i veće količine, kupuje
poslastičarica Dušana Todoro-
vića Kralj-Milana ul. 25 — Te-
razije. 34669-2

Kupio bi motor.
Imam dva milinarska kamena
sa štelovima od 36 palaca (coli),
koje bih htio dati onome, koji
ima mašinu s tim, da zajedno
radimo. Pored toga kupio bih
gasmotor za pokretanje istih.

Namještenja.
Traži se
dobra kuharica. Javiti se u Knez
Mihaljovoj ul. 27 na I spratu.
34775-3

Ženska
za sav kućevni posao potrebna
je. Javiti se Bitojska 57.
34763-3

Dobra djevojka
za sav kućevni posao koja zna
i kuvati, može stupiti odmah.
Bitojska 18. 34767-3

Staklarski pomoćnik
koji je vješan ovoj branži, po-
treban je radnji Radjokovića i
Ristića, Saborna ul. 15.
34741-3

Traži se
elsta žena, za cijeli kućevni
posao. Javiti se, Bitojska 30.
34743-3

Traži se jedna ženska
za sve kućevne poslove, plata
40 kruna. Javiti se od 2-4
sata poslije podne, Balkanska
br. 18. I sprat desno. 34781

Kuharica,
koja je voljna da se primi i za
ostali posao u kući, potrebna
je za jednu manju porodicu.
Javiti se u Višnjicevoj ulici
br. 19. 34740-3

Ružno.
Advokatska kancelarija
Živojina M. Simića
advokata

nalazi se u Pivarskoj, predje
četinjskoj ulici br. 23. Prima
od 8-9 prije i od 2-3 sata
poslije podne. 34687-5

Crveno-smeđi novčanik
izgubljen je na putu od Ma-
krenjeve ulice do Kneza Mi-
hajlova ulice. Unutra se nalazio
prsten, koji je draga uspomena
i stoga se umoljava poštenji na-
jzorni, da ga preda u upravu
lišta. 34766-3

snak Levy, advokat
za kancelarijom K. Mihajlova
47, gdje se vrši naplata poreza.
34683-5

KORESPONDENCIJA.

Jovanu Premoviću, Geneva,
Casse M. B. 3545. Molim, da
me izvjestite, da li je u životu
Djordje Stefanović, trgovac iz
Zaječara, a sada u tin. divi-
ziji. Stetnoviće javite, da mu
je gospodja sa djetecom zdrava
i neka se javi na moju adresu.
Blagodari unaprijed Nadežda
Dr. Vasića, pešačkog kapa-
tana, Beograd, Vodovodna ul.
br. 15. 34758-8

Porodici pok. Bogdana Mi-
lanovića, trgovca iz Saraoraca.
Duboko potresen vijestom o iz-
nenadnoj smrti člka Bogdana
hilam, da vam izrazim iskren-
no saučeeće, u nenaknadnoj
štetli i pregolemoj tuzi, koja je
vas, njegovu porodicu i cijelu
okolnu iznenadila i ucurozavila.
Baš onda kada je u svome
životu bio najpotrebniji, svo-
joj porodici i okolini, i kada
su mu sinovi, unuci, rođjaci,
prijatelji i poznanici, rasuli po
cijelome svijetu; smrtom za-
tečen ne dočeka svoje milie i
drage, sklopi za uvijek oči.
Kao prijatelj i poštovalac one
plemenite, iskrene duše, pri-
družajem se vama i šaljem go-
spodu tople molitve, da joj
dada rasko naselje. Živan P.
Asentijević, zarobljeni poruč-
nik, (industrijalac) iz Sarao-
raca. A 2873

Oglasjate u
„Beogradskim Novinama“

BELGRADER ORFEUM
ZIMSKO POZORISTE
(PRIJE BOULEVARD)
ULAZ SA STRANE ZMAJEVE ULICE.
Danas
u 1/2 8 sati u veče
PREDSTAVA
JANUARSKOG
PROGRAMA

Leipciško TRŽIŠTE
je najveća, najsvestranija i najpovoljnija prilika za kupnju
Industrijskih produkata svake vrsti.
Izložbe prve vrsti pružaju takodjer sjajan i potpuni prijedlog
nad svim novostima i cijinama.
Projetno tržište prve vrsti od 3. do 9. marta 1918.
Svako obavještenje o sudjelovanju, posjetu, pogodnostima i t. d.,
daje na zahtjev
Messamt für die Mustermessen in Leipzig.
1041

Objava preuzeća restauracije.
Čast mi je javiti vojnom osoblju i p. n. općinstvu, da sam
od 1. januara 1918. preuzeo
RESTAURACIJU
NA KOLODVORU (STANICI) U BEOGRADU.
Podjedno javljam, da će se u restauraciji moći dobiti u svako
doba DANA I NOĆI na pogodnost putujućega općinstva
TOPLA I MRZLA JELA.
Za to, da će biti i JELA I PIĆE IZVRSNA, jamči moj opće
pbnzati renomé.
S velikim poštovanjem
Franz A. Ludwig
hotelfjer i restaurater
Restauracija na kolodvoru (stanici) - Hotel Balkan.
1083
Vijest. OD 1. FEBRUARA 1918. GOD. SVIRA U HOTEL „BALKAN-U“
PRVORAZREDNA UGARSKA NARODNA KAPELA.

EKSPOZITURA
MAGJARSKE ESKONTNE I MENJAČKE BANKE
U BEOGRADU, KNEZ MIHAJLOVA ULICA BR. 32.
izvršuje isplate pismenim i telegraf.
skim putem ratnim zarobljenicima i
interniranim licima pod najpovoljnijim
uslovima.
Savjetnik Ekspoziture Kosta J. Po-
pović Direktor Narodne Banke.

Ožalošćena Milica Živković sa kćerkom, da-
vaće svome milom i nezaboravljenom
Dragoljubu — Suletu Živkoviću
učenicu gimnazije,
trogodišnji pomen, na njegovom grobu na dan
24. ovog mjeseca.
Mladenovac, januara 1918.
34739

Nove cijene „Beogradskih Novina“
počev od 1. januara 1918.
Usljed neprekidnog poskupljivanja materijala potreb-
nog pri izdavanju lista, prinudni smo cijene „Beogradskih
Novina“ za malenkost povisiti.
CIJENE „BEOGRADSKIH NOVINA“
su počev od 1. januara 1918. slijedeće:
Cijena pojedinog broja:
u Beogradu i u području gubernije u Srbiji 10 helera
u Monarhiji 12 helera
MJESECNA PRETPLATA:
u Beogradu, u području gubernije u Srbiji za
bojne i etapne pošte K 2.50
u Beogradu sa dostavom u kući K 3.—
u monarhiji K 3.—
u inostranstvu K 4.50
UPRAVA „BEOGRADSKIH NOVINA“
Topličin vijenac 21.

Gradjanski sud c. i k. okružnog zapovjedništva u Užicu.
Exh. Br. 295/1918.12.
Objava.
U predmetu zaostavštine Sretena Zmajevića, iz Dubo-
kog, koji je umro 12. avgusta 1916. god. u Dubokom (opština
Buar), bez ostave poslednje volje, upozoravaju se sva ona lica,
koja na zaostavštinu bilo kakova potraživanja imaju, da ista
najdocije do 1. maja 1918. god. kod ovoga suda kao masalne
vlasti prijave usmeno ili pismeno, jer će se po isteku ovoga
vremena a nakon podmirjenja poznatih povjerilaca, zaostavština
pripoznatim nasljednicima predati, a time dolaze potraživanja
nepoznatih povjerilaca u opasnost, da izgube osnov podmir-
jenja, osim da je njihovo potraživanje zalogom osigurano.
Užice, 26. decembra 1917.
Dr. Gangel m. p.
sudski vijećnik.

Gradjanski sud c. i k. okružnog zapovjedništva u Užicu.
Exh. Br. 703/1918.10.
Objava.
U predmetu zaostavštine u proljeće 1915. umrloga Ra-
domira Mijatovića, iz Buara, pozivaju se sva ona lica, koja
na zaostavštinu bilo kakovo potraživanje imaju, da ista najdoci-
je do 1. aprila 1918. g. usmeno ili pismeno kod ovoga suda
prijave, inače će se zaostavština nakon podmirjenja poznatih
povjerilaca zakonskim nasljednicima predati i tako dolaze potra-
živanja neprijavljenih i ovde nepoznatih povjerilaca u opasnost,
da osnov podmirjenja izgube, izuzimajući, da je njihovo potra-
živanje zalogom osigurano.
Užice, 17. decembra 1917.
Dr. Gangel m. p.
sudski vijećnik.

Gradjanski sud c. i k. okružnog zapovjedništva u Užicu.
Exh. Br. 374/1918.16.
Objava.
U predmetu zaostavštine Luke Joksimovića, iz Dobraca,
koji je umro 27. oktobra 1916. bez ostave poslednje volje, po-
zivaju se sva ona lica, koja na zaostavštinu kakova potraživanja
imaju, da ista usmeno ili pismeno kod ovoga suda kao masalne
vlasti najdocije do 1. maja 1918. prijave, jer će se po isteku
ovoga vremena zaostavština po podmirjenje poznatih povjerilaca
pripoznatim nasljednicima predati, i tako dolaze potraživanja ne-
prijavljenih povjerilaca u opasnost da izgube svoj osnov podmi-
renja, osim da su njihova potraživanja zalogom osigurana.
Užice, 26. decembra 1917.
Dr. Gangel m. p.
sudski vijećnik.

I. ELEKTRO-MEHANIČKA
RADIIONICA
Milutina S. Markovića
Terazije Nr. 8.
Vrši opravke: gramofona, šivaćih mašina
i ostalih mehaničkih stvari.
1073

STIGLE SU
Prima Jegulje
IZ SKADARSKOG JEZERA.
UPITATI KOD
Peštanske Ugarske
Komerćijalne Banke
Beograd, Knez Mihajlova ulica 50.
ODELJENJE ZA ROBU.
1075

Ugalj za domaću upotrebu
!! prispio !!
Prodaje se na Terazijama 38, u trgovini Dj.
Mitrovića.
32980

Beogradska tvornica šećera
traži veći broj valjanih mašinskih bra-
vara, a isto tako i tokara željeza i me-
tala. Plata dobra.
34731

Stare i neupotrebljive kao polupane
GRAMOFONSKE PLOČE
primaju se po najvećoj cijeni kod Arona Kalderona,
Kralj Milana ul. 116, ugao Kralj Milutinova.
34658

Izveštavamo prijatelje i poznanike, da je naš
mil i nikad neprežaljeni roditelj
Vasa Radovanović
trgovac,
preminuo u svojoj 76. godini života 19. decembra,
poslije kratkoga bolovanja, a predat je materij zemlji
20. decembra 1917. godine.
Rača (Krag.).
Neutješni:
sinovi: Vitomir, Čedomir, Božidar, Petar, Ilija;
ćerka: Natalija; unuci: Nadežda, Milica, Lju-
bomir, Vasa, Dragan, Vojin, Danica i Natalija;
sestričina: Persida.
34762